

Il sontgissim Tgierp dil Segner

Brev pastorala per la Cureisma 2008

da

Msgr. dr. Vitus Huonder

uestg da Cuera

Pertuccont il tetel da quest scriver cumpareglia il Canon Roman
dalla sontga Messa:

"...ed aschi savens che nus fagein part da tiu altar
e retschevein il sontgissim tgierp e saung da tiu Fegl
possien nus vegnir empleni cun tutta grazia e benedicziun
celestiala."

Questa brev pastorala ei da preleger l'emprema dumengia da
Cureisma, ils 9 /10 da fevrer 2008 en mintga sontga Messa.
Dils 11 da fevrer 2008 naven astga ella vegnir publicada en la
pressa.

Cuera, ils 6 da schaner 2008

Frars e soras en Cristus,

per l'emprema gada astgel jeu sco uestg dioce-san drizzar a vus la brev pastorala per la Cureis- ma.

La Cureisma ei in temps da *renovaziun en Cristus*. Ella ha sco tema quei ch'ei era il cuntegn da miu motto episcopal: "Renovar tut en Cristus." Mo seprofundond pli ferventamein en Cristus, essan nus habels da renovar nusezs e la Baselgia. En quei senn scrivel jeu a vus entgins plaids per encuraschar vus en vossa clamada cristiana.

Egl Evangeli vein nus ual udiu ils plaids da Jesus: "Il carstgaun viva buca mo da paun, mobein da mintga plaid che sortescha dalla bucca da Diu." Per Niessegner ei il plaid da Diu ina fontauna da veta. Perquei lein nus sestentar per quei plaid. El duei dar a nossa veta cuntegn e direcziun.

Il plaid divin vegn regalaus a nus en la *sontga Scartira*. Ord quei motiv s'avischinein nus alla Bibla cun grond respect. Nus legin savens ord dad ella, tedlein bugen il plaid da Diu en la sontga Messa e seschein inspirar dad ella per nossa veta. Sco l'oraziun s'auda era la lectura dalla sontga Scartira tiel mintgadi dil cristifideivel.

Il plaid da Diu ei era cuntenius ella *sontga Tra-diziun* dalla Baselgia: "La sontga Tradiziun e la sontga Scartira formeschan igl unic sogn scazi dil plaid da Diu ch'ei surdaus alla Baselgia", instrue-scha nus il Secund Concil Vatican. Il temps da Cureisma porscha a nus ina buna caschun da scuvierer da niev il scazi dalla sontga Tradiziun. En quest grau ei il "Compendi dil Catechissem dalla Baselgia catolica" per nus in bien e custeivel agid. El dat a nus ina survesta cumpleta dalla cardien-tscha dalla Baselgia.

Il plaid ord la bucca da Diu posseda la culmina-ziun en lezs plaids che Niessegner ha transmessa a nus per la *celebraziun dall'Eucaristia*: "Quei ei miu tgierp, quei ei miu saung." Tras quels plaids ch'il spiritual pronunzia ella sontga Messa, effectuescha il Segner sez la consecraziun da paun e vin enten siu *sontgissim Tgierp* e siu prezios Saung. El fa present il sacrifici da sia mort per ils carstgauns. El regala a nus sesez sco vivonda spirituala. Cura che nus separticipain alla sontga Messa e retsche-vein la sontga Communiun, daventa "nies cor in sanctuari pil Segner, nies Signur". Il Segner ei tier nus. Nus essan tier el. Aschia ei l'unfrenda dalla sontga Messa per nus quei eveniment, entras il qual il plaid digl

Evangelii secumpleina en maniera excellenta: Nus astgein viver dil plaid ord la bucca da Diu. Pertgei entras quei plaid ei il Segner, il Fegl dil Bab celestial, sez denter nus entras la forza dil Sogn Spért. Sut las sontgas spezias da paun e vin eis el veramein, realmein e substanzial-mein presents.

La verdad sulla sontga Eucaristia pretenda da nus *carezia e reverenza*: carezia tiel Segner el sogn Sacrament e reverenza enviars il misteri di-vin. La celebrazion dall'Eucaristia ei buca in eveni-ment mundan. La sontga Messa astga mai vegnir scumbigliada cun in schabetg profan. Ella astga era buca vegnir celebrada en maniera, ch'ella sa-vess vegnir scumbigliada cun in tal. La sontga Communiun ei buca ina tschavera ordinaria. Per-quei regorda nus igl apiestel sogn Paul che quei che nus retschevein, ei il *sontgissim Tgierp* dil Segner. El admonescha nus cun ils suandonts plaids da retscheiver la sontga Communiun ven-gonzamein: "Perquei vegn scadin che maglia il paun ni beiba ord il calisch dil Segner en maniera malvengonza a sefar culpeivels viers il tgierp ed il saung dil Segner. Mintgin duei pia examinar sesez e lu magliar da quei paun e beiber ord quei ca-lisch".

Ei duei esser per nus in giavisch da buca mo nusezs venerar e carezar il Sontgissim Sacrament digl altar, mobein da dar vinavon carezia e reverenza. Oravontut ils affons ed ils giuvenils duein vegnir instrui cun bien quitau e gronda responsa-bladad ella celebrazion dalla sontga Messa e da retscheiver vengonzamein la sontga Communiun. Ei astga buca esser ch'els scumbeglian la sontga Messa cun ina "party" ni ch'els creian ch' il *son-tgissim Tgierp* seigi paun ordinari.

La *preparaziun all'emprema sontga Communiun* astga buca restar mo exteriura e far biala pa-reta. Ella sto menar el profund da quei grond misteri da cardientscha che Niessegner ha confidau alla Baselia sco scazi il pli prezios. Nuotzun duei distrahar ils premcommunicants da quei misteri. Ei duei esser il grond quitau dils geniturs, che lur affons vegnien instrui adequatamein. Gie, ils geniturs duein sezs tschaffar quella caschun per empe-nder d'enconuscher danovamein il misteri dalla sontga Eucaristia.

Per ils augsegners, diacons sco era gidontras e gidonters pastorals sto ei esser in quitau che l'em-prema sontga Communiun seigi buca la davosa ni la secund davosa Communiun. Ual ell'instrucziun dils premcommunicants duein ils affons

survegnir caschun da pigliar fiug per la carezia da Cristus el sogn Sacrament, aschia ch'els desidereschan adi-na puspei da retscheiver il *sontgissim Tgierp* dil Segner. L'emprema sontga Communiun fa gie part dalla schinumnada *iniziasiun* dil cristifideivel: Il car-tent vegn introducuis e habilitaus alla veta cristia-na. L'entschatta da quella iniziasiun ei il sogn Bat-ten. El liberescha nus dil puccau e regala a nus ve-ta nova en Cristus. Il secund pass ei la sontga Creisma. Ella confortescha il battegiu e regala ad el il schurmetg particular dil Sogn Spért. Il punct culminont dall'iniziasiun ein finalmein l'integraziun en la cuminonza eucaristica ed il retscheiver dil sogn Sacrament digl altar. Introduzius ella veta cri-stiana, astga il cartent viver en cumpignia constan-ta dil Segner eucaristic. *Il sontgissim Tgierp* dil Segner daventa aschia rinforz, confiart e legerment el mintgadi human ch'ei buca adina levs. Tgei regal!

Frars e soras en Cristus, sco uestg diocesan portel jeu ina responsablada speciala per vossa cardientscha. Perquei supplicheschel jeu vus: Sefundei ella cardientscha, el plaid da Diu, el misteri da vossa clamada cristiana, oravontut el grond regal dalla sontga Eucaristia e dalla sontga Communiun. Emblidei mai ils plaids dil Segner: "Il carstgaun viva buca mo da paun, mobein da min-tga plaid che vegn ord la bucca da Diu." Ponderei en quei temps da Cureisma danovamein vossa vocaziun cristiana. Seschei oravontut sereconciliar el sogn sacrament dalla Penetienzia, sinaquei che Pastgas daventi per vus buca mo la fiasta exteriura dalla levada da Niessegner, mobein era - ed ora-vontut - ina *renovaziun persunala da vossas em-permischuns da Batten*. Aschia serenoveis vus en Cristus e presteis ina contribuziun irremplazabla per ina renovaziun veritabla dalla Baselgia.

Leutier dun jeu a vus bugen mia benedicziun episcopala e recamondel vus en oraziun perma-nenta als duns da grazia da Niessegner Jesus Christus ed all'intercessiun da Nossadunna.

Jeu, vies uestg, salidel vus cordialmein

✠ Vitus Huonder
Uestg da Cuera

Notas

- 1 Mt 4,4
- 2 Mira en quei connex era il plaid dils uestgs svizers: Plaida Segner, jeu teidlel. Lectio divina - Ina lectura che meditescha la sontga Scartira. Mira era: Geistliche Schriftlesung. Eine kleine Handreichung zur "Lectio divina" des Schweizerischen Katholischen Bibelwerkes.
- 3 Constituziun dogmatica sur la Revelaziun divina 10
- 4 Katechismus der Katholischen Kirche. Kompendium, München 2005
- 5 Mira Mt 26,26-28; Mc 14,22-24; Lc 22,19-20; 1 Cor 11,23-25.
Per il misteri dalla sontga Eucharistia mira il scriver apostolic postsinodal: Sacramentum Caritatis Seiner Heiligkeit Papst Benedikt XVI. an die Bischöfe, den Klerus, die Personen gottgeweihten Lebens und an die christgläubigen Laien über die Eucharistie, Quelle und Höhepunkt von Leben und Sendung der Kirche, 22. Februar 2007, Verlautbarungen des Apostolischen Stuhles 177, Bonn 2007.
- 6 Brev da Barnabas 6.16.
- 7 1 Cor 11,29
- 8 1 Cor 11,27-28
- 9 Ella tradiziun dalla Baselgia latina ei quei secund pass daventaus il tierz. L' emprema sontga Communiun ei enstagl daventada il secund. Ins sto denton dir che Batten e Creisma ein fetg colligai e serefereschan ad in l' auter.
- 10 Mira la liturgia dall' ordinaziun episcopala: Eis ti pomts - ensemen cun tes conlvrers, ils presbiters e diacons - da haver quitau per il pievel da Diu, sco in bab premurau e da menar el sin la via dil salit?"